

Sarajevo, 27.08.2026. godine
Broj: I- 177/26

MINISTARSTVO ZA RAD I SOCIJALNU POLITIKU
N/R Gosp. ADNAN DELIĆ, MINISTAR

Predmet: Zahtjev za organiziranje sastanka na temu rada i zapošljavanja stranaca

Poštovani gospodine ministre,

Vezano za zajedničke aktivnosti na unapređenju procedura za zapošljavanje stranih radnika, obraćamo Vam se ovim putem i predlažemo održavanje sastanka na temu rada i zapošljavanja stranaca u Federaciji Bosne i Hercegovine, a kako bismo razgovarali o problemima sa kojima se poslodavci trenutno susreću u provođenju procedura za zapošljavanje stranih radnika.

Nakon donošenja Zakona o izmjenama i dopunama Zakona o zapošljavanju stranaca, čemu ste kao resorni ministar dali ogroman doprinos i na čemu Vam se i ovim putem zahvaljujemo, očekivali smo ubrzavanje i pojednostavljenje procedura, posebno imajući u vidu sve izraženiji nedostatak radne snage i potrebe poslodavaca za angažovanjem stranih radnika.

Međutim, prema informacijama koje svakodnevno dobijemo od naših članica, u praksi nije došlo do očekivanog poboljšanja. Naprotiv, procedure su i dalje dugotrajne i kompleksne, a iz dva rekli bismo birokratska razloga još su i usporene posljednjih mjeseci. Iz navedenih razloga smo zabrinuti i obeshrabreni dosadašnjim rezultatima i činjenicom da zakonska rješenja koja su trebala dovesti do pojednostavljenja postupaka u praksi još uvijek nisu dala očekivane rezultate.

Naime, problemi se javljaju posebno na dva mjesta u provedbi postupka zapošljavanja stranaca. Prije svega, u dijelu procedure koji se odnosi na izdavanje viza, a koji je u nadležnosti Ministarstva vanjskih poslova Bosne i Hercegovine, procedura je dodatno usporena nakon smanjenja kapaciteta naših DKP-ova o čemu smo pisali nadležnom Ministarstvu. Trenutno se u sistemu Ministarstva vanjskih poslova BiH za prijavljivanje i zakazivanje termina kao prvi raspoloživi termini za pokretanje procedure nude termini u **aprilu 2027. godine**. To praktično znači da se, i u najboljem slučaju, zapošljavanje stranog radnika čija se procedura pokreće sada može očekivati tek u drugoj polovini naredne godine.

S druge strane, procedure vezane za izdavanje radnih dozvola i dalje su podjednako kompleksne i dugotrajne. Prema informacijama kojima raspolažemo, u Kantonu Sarajevo trenutno je na čekanju oko **1.800 zahtjeva za izdavanje radnih dozvola**, dok se prema hronologiji još uvijek rješavaju zahtjevi podneseni u aprilu 2026. godine. Prema informacijama koje smo dobili, na poslovima rješavanja navedenih zahtjeva trenutno je angažovana samo jedna osoba, što, imajući u vidu broj zaprimljenih zahtjeva, dodatno otežava njihovo rješavanje u zakonskim ili makar u razumnim rokovima. Na ovaj način ponovo se propušta turistička, građevinska, poljoprivredna i druga sezona u smislu jačanja kapaciteta privrednih subjekata za realizaciju njihovih poslova.

Imajući u vidu da je ukupna kvota za zapošljavanje stranaca u Federaciji BiH za 2026. godinu **4.490 radnih dozvola, od čega se 2.090 odnosi na produženje postojećih radnih dozvola**, dok istovremeno samo u Kantonu Sarajevo imamo oko 1.800 zahtjeva na čekanju, na čemu radi samo jedan službenik, jasno nam je da je procedura praktično zaustavljena ili u najmanju ruku u potpunosti usporena.

Svjesni smo da pojedine faze postupka nisu u neposrednoj nadležnosti Federalnog ministarstva rada i socijalne politike, ali smatramo da pitanje funkcioniranja tržišta rada i zapošljavanja stranaca zahtijeva koordinirano djelovanje svih nadležnih institucija i drugih aktera u ovom procesu.

Uvažavajući sve navedeno, kao i nadležnosti Federalnog ministarstva rada i socijalne politike po predmetnom pitanju, **molimo Vas za održavanje radnog sastanka u terminu koji Vama odgovara**, kako bismo razgovarali o trenutnom stanju, opisanim problemima sa kojima se poslodavci susreću i mogućnostima za hitno ubrzavanje i pojednostavljenje procedura zapošljavanja stranih radnika.

S poštovanjem,

REKTOR
Marić Nenadić
SARAJEVO